

Залу-зөрмг йовдл

„Коммунист“ гидг кинофильмин тускар

Удл уга, балгсна болн танггчн кинотеатрмудар, 1957 джил Мосфильмин киностудин гаргсн «Коммунист» гидг шин кинофильм үзүлгдхмн. Эн кинокартинā сценаринь бичснь — Е. Габрилович, режиссернь Ю. Райзман, композиторнь Р. Щедрин.

Шатурур түрүн советск электростанц тосхлгэнд, шавта Василий Губанов фронтас ирнā. Энд бас күчр бāадж, энд бас хортдуд бāадж — олн, киитн, баячудин ааль.

Болв коммунист Василий Губанов түүнās аāsн уга. Эврāннь цусан асхдж фронтд ноолдсн Василий шин государстван тосхкар цуг бийārн шув.

Шатурт Фокина Анютала Василий харгъад, дарунь үүнд дурлна. Анютаг залутагыннь чигн Василий меднā, болв күчнās Анютаг мартдж чадш угагъан медв. Коммунизм тосхлгъна нооадлн болн залута күүнā гергнд дурлчксн дурн хойриг ягъдж ирлцүлхән меддж ядад, Василий Губанов зовб.

Залугъан гертән уга цагла тосхлтд кодлхār тагчгар Анюта гарч одна. Губановла харгъшгогъар эн зулад йовб, юнъгад гихлā, Анюта бийнь бас Василийд дурлчкад, зүркән āтрүлдж бāрдж ядад, Василийтā харгъхдан āагъад йовна. Дурн дотрас буслад, чее-

джинь уутрулад йовсн бийнь, Анюта залутагъан санчкад, килнцās āагъад, бийән бārād бāәнā.

Нег дакдж Анютаг хаалгъ деер кевтсинь Василий олджавна. Залунь, хамдан арк уудг улстагъан негдād, энүг үктлнь гөвдād, хайчкдж. Василий Анютаг теврдж авад, герүрн авч ирнā. Уүнās хооран кезā чигн хагъцшго болдж эдн шидв.

Джил давб. Олн, түрмшг тосхлтд икār хорлтан күргх бāадл гаргъв. Тосхачнрт илгāдсн эшелон гуйр хаалгъдан торад, ирлго бāāv. Гедрсн эшелог хāагъад Василий ганцарн гарад йовна.

Поезднь түлән уга болад зуур зогссн бāадж. Олн-āмтнā болн тосхачнрин күцлиг күцāх серл, күүнд уга гилтā күчр ик чидл коммунист Губановд өгнā.

Загорт поездиг күргхин кергт Василий ганцарн мод чавчна. Тосхлтд түүмр өгсн хортдуд эшелонур дāvрлгъ кегъад, гуйринь булалдхла, теднлā ганцарн гар бārлдж ноолдад, бийнь алгдна.

Эврāннь джиргълārн болн үклārн олн-āмтиг диилгдшго болгуулгч, темдг уга баатрмудин негнь эн бāāсмн.

Б. ЯШКУЛОВ.